

Bosna i Hercegovina
Federacija Bosne i Hercegovine
KANTON SARAJEVO
KANTONALNA JAVNA USTANOVA
„GERONTOLOŠKI CENTAR“
SARAJEVO

Broj: 11-1324-8/17.
Sarajevo, 01.11.2017. god.

Na osnovu člana 64. stav (1) tačka b), člana 70. stav (1) i (3) Zakona o javnim nabavkama Bosne i Hercegovine („Službeni glasnik BiH“ br. 39/14) i člana 42. stav (2) alineja e) Pravila Kantonalne javne ustanove „Gerontološki centar“ Sarajevo, po preporuci Komisije za javne nabavke broj: 11-1324-7/17 od 31.10.2017. godine, Direktor Kantonalne javne ustanove „Gerontološki centar“ Sarajevo, d o n o s i:

ODLUKU o izboru najpovoljnijeg ponuđača

1. U ponovljenom otvorenom postupku javne nabavke **kokošijih jaja** za potrebe Kantonalne javne ustanove „Gerontološki centar“ Sarajevo, prihvata se preporuka Komisije za javne nabavke prema Zapisniku o pregledu i ocjeni ponuda za dodjelu ugovora, broj: 11-1324-7/17 od 31.10.2017.godine i **ugovor za nabavku kokošijih jaja** za period od tri godine, dodjeljuje se ponuđaču „BINGO“ d.o.o., export-import ul. Bosanska poljana bb, Tuzla (Ponuda broj: 3013 od 29.09.2017.godine), za ponuđenu cijenu u iznosu od **35.100,00 KM bez PDV-a, odnosno 41.067,00 KM sa PDV-om.**

2. Prijedlog okvirnog sporazuma i ugovora o nabavci dostavit će se na potpis izabranom ponuđaču u roku od 15 dana, računajući od dana kada je ponuđač obaviješten o izboru.

3. Za izvršenje ove Odluke zadužuje se Služba za pravne i opće poslove KJU „Gerontološki centar“ Sarajevo.

4. Shodno članu 70. stav (6) Zakona o javnim nabavkama, ova Odluka će se objaviti na web stranici www.gcs.com.ba istovremeno sa upućivanjem ponuđačima koji su učestvovali u postupku javne nabavke.

5. Shodno članu 71. stav (2) Zakona o javnim nabavkama ova Odluka stupa na snagu danom donošenja i dostavlja se ponuđačima koji su učestvovali u postupku javne nabavke.

O b r a z l o ž e n j e:

Ponovljeni postupak javne nabavke **kokošijih jaja** za potrebe Kantonalne javne ustanove „Gerontološki centar“ Sarajevo pokrenut je Odlukom broj: 11-1324/17 od 15.09.2017.godine. Javna nabavka je provedena putem otvorenog postupka za dostavu ponuda. Procijenjena vrijednost javne nabavke za period od tri godine bez PDV-a iznosi maksimalno 66.000,00 KM.

Obavještenje o nabavci, broj: 897-1-1-90-3-18/17 o pokretanju ponovljenog otvorenog postupka za dostavu ponuda po predmetnoj nabavci objavljeno je na Portalu javnih nabavki dana 18.09.2017. godine i sažetak obavještenja o nabavci objavljen je u Službenom glasniku BiH br. 68/17., dana 22.09.2017. godine. Zahtjev za preuzimanje tenderske dokumentacije su podnijeli:

1. BINGO d.o.o. export-import, ul. Bosanska poljana bb, Tuzla,
2. VINOJUG d.o.o., ul. Igmanska br.2-4., Sarajevo,
3. GRAFIKON d.o.o., ul. Grbavička br. 30., Sarajevo,
4. TP DC Sarajevo d.d., ul. Rajlovačka bb, Sarajevo.

Komisija za javne nabavke je imenovana Rješenjem broj: 11-191/17. od 13.02.2017.godine.
Krajnji rok za dostavu ponuda je bio 09.10.2017. godine u 10:30. Istog dana u 11:30 sati je izvršeno javno otvaranje prispjelih ponuda na kojem je prisustvovala predstavnik ponuđača VINOJUG d.o.o. Sarajevo – Amira Gadžo.

Na javnom otvaranju ponuda je sačinjen Zapisnik u kome je konstatovano da su za navedenu nabavku ponudu podnijeli sljedeći ponuđači:

1. BINGO d.o.o. export-import, ul. Bosanska poljana bb, Tuzla,
2. VINOJUG d.o.o., ul. Igmanska br.2-4., Sarajevo,
3. GRAFIKON d.o.o., ul. Grbavička br. 30., Sarajevo,
4. TP DC Sarajevo d.d., ul. Rajlovačka bb, Sarajevo.

Komisija za javne nabavke je dostavila dana 31.10.2017. godine Zapisnik o pregledu i ocjeni ponuda broj: 11-1324-6/17 od 31.10.2017. godine i Izvještaj o radu Komisije za javne nabavke i preporuka za dodjelu ugovora, broj: 11-1324-7/17 od 31.10.2017.godine.

U postupku po Zapisniku o pregledu i ocjeni ponuda i Izvještaju o radu Komisije za javne nabavke je utvrđeno da je Komisija blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 4,
- da su blagovremeno zaprimljene 4 ponude,
- da nema neblagovremeno zaprimljenih ponuda,
- da su pristigle ponude ponuđača:
 - 1) BINGO d.o.o. export-import, ul. Bosanska poljana bb, Tuzla,
 - 2) VINOJUG d.o.o., ul. Igmanska br.2-4., Sarajevo,
 - 3) GRAFIKON d.o.o., ul. Grbavička br. 30., Sarajevo,
 - 4) TP DC Sarajevo d.d., ul. Rajlovačka bb, Sarajevo.

U fazi pregleda i ocjene ponuda, Komisija za javne nabavke je konstatovala da ponuđač „TP DC“ Sarajevo d.d., ul. Rajlovačka bb, Sarajevo, nije ispunio kvalifikacione uvjete za dalje učešće u postupku iz sljedećih razloga:

I Ponuđač „TP DC“ Sarajevo d.d.

1) Tačkom 8.2.1. Tenderske dokumentacije navedeno je koje elemente ponuda treba da sadrži, tako da je između ostalog zahtjevano sljedeće:

- pod d) **Izjava ponuđača, ovjerena i potpisana od strane lica ovlaštenog za zastupanje, koja je data u Aneksu 2. tenderske dokumentacije,**
- pod e) **Popunjen obrazac za cijenu ponude sa svim elementima koji je čine, kao i potrebnim objašnjenjima, na način kako je definirano u Aneksu 4. tenderskoj dokumentaciji.**

Imajući u vidu zahtjev iz tačke 8.2.1. Tenderske dokumentacije broj: 11-1324-1/17 od 15.09.2017. godine, suštinskom analizom sadržaja dostavljene dokumentacije, Komisija za javne nabavke je utvrdila da je ponuđač „TP DC“ Sarajevo d.d., ul. Rajlovačka bb, dostavio u svojoj ponudi broj:1440/17 od 06.10.2017. godine Izjavu ponuđača - Aneksa 2. i obrazac za cijenu ponude – Aneks 4., ali ne u skladu sa zahtjevom iz tenderske dokumentacije.

Naime, Komisija za javne nabavke je utvrdila da ponuđač „TP DC“ Sarajevo d.d., u Aneksu 2. tenderske dokumentacije – Izjava ponuđača, nije zaokružio pod tačkom 4., opciju 4.1. ili 4.2., odnosno da li ima ili nema namjeru podugovaranja, što ovu ponudu čini nepotpunom i nekvalifikovanom za dalje učešće u predmetnom postupku nabavke.

Komisija za javne nabavke je također utvrdila da ponuđač „TP DC“ Sarajevo d.d., u Aneksu 4. tenderske dokumentacije – Obrazac za cijenu ponude u tabeli nije popunio rubriku –opis proizvoda, iako je u istoj naglašeno

da je ponuđač obavezan navesti proizvođača i zemlju porijekla, što ovu ponudu čini dodatno nepotpunom i nekvalifikovanom za dalje učešće u predmetnom postupku nabavke.

Imajući u vidu naprijed navedeno, kao i konstatovane suštinske nedostatke u ponudi ponuđača „TP DC“ Sarajevo d.d., ista je ocijenjena nekvalifikovanom, te je kao takva isključena iz daljeg postupka javne nabavke.

Komisija za javne nabavke je dalje konstatovala da ponude ponuđača: BINGO d.o.o. export-import, ul. Bosanska poljana bb, Tuzla; VINOJUG d.o.o., ul. Igmanska br.2-4., Sarajevo i GRAFIKON d.o.o., ul. Grbavička br. 30., Sarajevo, ispunjavaju uslove za učešće, utvrđene tenderskom dokumentacijom, da su tehnički zadovoljavajuće i sve su, kao kvalifikovane za dalji postupak, razmatrane.

Tenderskom dokumentacijom je u skladu sa članom 64. Zakona o javnim nabavkama kao kriterij za dodjelu ugovora utvrđen je kriterij „najniža cijena tehnički zadovoljavajuće ponude“.

R.b.	Ponuđač	Cijena ponude
1.	BINGO d.o.o. export-import, ul. Bosanka poljana bb, Tuzla	35.100,00 KM bez PDV-a 41.067,00 KM sa PDV-om
2.	VINOJUG d.o.o., ul. Igmanska br.2-4., Sarajevo	40.500,00 KM bez PDV-a 47.385,00 KM sa PDV-om
3.	GRAFIKON d.o.o., ul. Grbavička br. 30., Sarajevo	46.800,00 KM bez PDV-a 54.756,00 KM sa PDV-om

Obzirom da je ponuda ponuđača „BINGO“ d.o.o. export-import, ul. Bosanka poljana bb, Tuzla u skladu sa tenderskom dokumentacijom, koja je prema kriteriju za izbor ponude najniža cijena tehnički zadovoljavajuće ponude, ocijenjena kao najpovoljnija za Ugovorni organ, Komisija za javne nabavke je predložila prihvatanje ponude, te shodno članu 70. stav (1) i (3) Zakona o javnim nabavkama, donošenje Odluke o izboru ponude ponuđača „BINGO“ d.o.o. export-import, ul. Bosanka poljana bb, Tuzla, kao najpovoljnije za predmetnu nabavku. Cijena ponude bez PDV-a za period od 3 godine iznosi 35.100,00 KM, a ukupna cijena ponude sa PDV-om za period od 3 godine iznosi 41.067,00 KM.

Prilikom donošenja ove Odluke posebno je cijenjena činjenica da je Komisija za javne nabavke shodno kriterijima iz Tenderske dokumentacije pravilno i potpuno izvršila ocjenu kvalificiranosti ponuđača, te ocjenu prihvatljivosti prispjelih ponuda prema kriteriju najniža cijena tehnički zadovoljavajuće ponude.

Ocjenom provedenog postupka direktor KJU „Gerontološki centar“ Sarajevo nije našao ni jedan razlog nepravilnosti, niti propuste u radu Komisije za javne nabavke, koji bi eventualno bili osnov za neprihvatanje Preporuke Komisije.

Naime, ocijenjeno je da je Komisija u svemu pravilno postupila, te da je izbor ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju nesporno je da je izabrani ponuđač „**BINGO**“ d.o.o. export-import, ul. **Bosanka poljana bb, Tuzla**, dostavio najpovoljniju ponudu, sa ponuđenom ukupnom cijenom od **35.100,00 KM bez PDV-a, odnosno 41.067,00 KM sa PDV-om.**

Iz navedenih razloga, primjenom člana 64.stav (1) tačka b) Zakona o javnim nabavkama, te Izvještaja o radu Komisije za javne nabavke i preporuke za dodjelu ugovora, broj: 11-1324-7/17 od 31.10.2017. godine, odlučeno je kao u dispozitivu.

